

Autor M. A. 2011-06-06 11:25:00

## **Sindikata mašinovođa-strojovođa u FBiH: Trebalo se pozabaviti i sadašnjom Upravom**



### **Vernes Buljugija: Podnijeli prijave na malverzacije u ŽFBiH upozorili i federalne revizore**

Kriminal u "Željeznicama Federacije BiH" (ŽFBiH) ima duboke korijene i podržavam sve akcije koje će omogućiti njegovo raskrinkavanje, kazao nam je jučer Vernes Buljugija, predsjednik Sindikata mašinovođa FBiH, komentirajući podnošenje 12 krivičnih prijava protiv članova bivše Uprave.

*- Vjerujem da tu ima još puno posla i da bi se FUP trebao pozabaviti i sadašnjom Upravom s generalnim direktorom Nedžadom Osmangićem na čelu - navodi Buljugija.*

On ističe da je Sindikat protiv sadašnje Uprave podnio dvije krivične prijave zbog, kako kaže, kriminalnih radnji te su na malverzacije u ovoj kompaniji upozorili i federalne revizore.

*- Prijavili smo Upravu jer krši Zakon o javnim nabavkama pa je ugovor s firmom "Kristal" Čapljina vrijednosno probijen za 80 posto bez provedenog postupka nabavke. Time su ŽFBiH izbili iz džepa 800.000 KM. Osim toga, privatnoj firmi "Gikil" iz Lukavca otpisali su pet miliona maraka duga. Otpuštaju ljude, vraćaju neke iz stare Uprave, među kojima su, vjerovatno, i oni protiv kojih su sada podnesene krivične prijave - tvrdi Buljugija.*

#### **Kap u moru**

Buljugija kaže da je najbolji dokaz za malverzacije sadašnje Uprave to što je u posljednjoj godini više od 500 željezničara tužilo ŽFBiH. Vrijednost sporova iznosi oko 25 miliona KM.

*- Uprava se hvata za glavu kako će se izvući iz toga, ali to je samo kap u moru malverzacija u "Željeznicama FBiH" - kaže Buljugija.*

Preuzeto sa: <http://www.dnevniavaz.ba/vijesti teme/38798-sindikata-masinovodja-federacije-treba-se-pozabaviti-i-sadasnjom-upravom.html>